

MAHATHIR

1980

BEREMBAN, 17 MAC (BERNAMA)—KERAJAAN MUNGKIN MELAKSANAKAN RANCANGAN MENANAM SEJENIS UBI KELEDEK YANG DIKATAKAN BOLEH MENGELUARKAN ALKOHOL SEBAGAI PENGGANTI MINYAK, DEMIKIAN DIUMUMKAN OLEH DATUK SERI DR. MAHATHIR MOHAMAD HARI INI.

BELIAU BERKATA TANAMAN TERSEBUT DIANGGARKAN BOLEH MENGHASILKAN ALKOHOL KIRA-KIRA 300 KALI LEBIH BANYAK DARI TEBU YANG DICUBA DI BRAZIL SEKARANG.

MENURUTNYA, PARA PENGUSAHA JEPUN DAN KOREA TELAH MENCADANGKAN SUPAYA TANAMAN ITU DIUSAHAKAN SECARA BESAR-BESARAN DI KAWASAN LAPANG DI NEGARA INI UNTUK KEGUNAAN SEBAGAI MINYAK KERETA.

TIMBALAN PERDANA MENTERI MEMBERITAHU DEMIKIAN DALAM PERTEMUANNYA DENGAN WAKIL-WAKIL RAKYAT DAN PARA PEGAWAI KERAJAAN DI BILIK GERAKAN NEGERI DI SINI.

DATUK SERI DR. MAHATHIR JUGA MENCADANGKAN SUPAYA KERAJAAN-KERAJAAN NEGERI MENCUBA TANAMAN +STEVIA+, SEJENIS TANAMAN DARI AMERIKA SELATAN, YANG BOLEH DIJADIKAN SEBAGAI PENGGANTI GULA.

BELIAU MENYATAKAN KERAJAAN NEGERI SEMBILAN TELAH PUN MENYEDIAKAN KAWASAN SELUAS 300 EKAR KEPADA FIMA UNTUK MENGUSAHAKAN TANAMAN TERSEBUT. --BERSAMBUNG 1749/MD

MAHATHIR 2 SEREMBAN

169

DATUK SERI DR. MAHATHIR BERKATA RANCANGAN MENANAM KEDUA-DUA JENIS TANAMAN ITU BOLEH MENJADI SATU PENGHALANG KEPADA PENGIJRAHAN PENDUDUK LUAR BANDAR KE BANDAR-BANDAR.

MENGENAI PEMBANGUNAN, TIMBALAN PERDANA MENTERI BERKATA KEJAYAAN YANG DICAPAI OLEH MALAYSIA SETIAP TAHUN TELAH DAPAT MENOLAK RAMALAN DARI LUAR YANG SENTIASA MAHUKAN NEGARA INI GAGAL DALAM RANCANGAN-RANCANGAN PEMBANGUNAN YANG DILAKSANAKANNYA.

BELIAU MENYERU SEMUA WAKIL RAKYAT DAN KAKITANGAN PENTADBIRAN KERAJAAN MENINGKATKAN KECEKAPAN DAN MUTU KERJA MEREKA SUPAYA MATLAMAT YANG DITETAPKAN DAPAT DICAPAI SEPENUHNYA.

MENURUTNYA, PARA PEGAWAI KERAJAAN HARUS MEMPUNYAI PERASAAN BANGGA UNTUK Bekerja SEKALIPUN MEREKA BERTENTANGAN PENDAPAT DENGAN KERAJAAN.

PERASAAN SEUMPAMA ITU AMAT PENTING BAGI MENJAMIN KEJAYAAN PROJEK-PROJEK PEMBANGUNAN YANG DIRANCANGKAN. --BERSAMBUNG

1953/MD

E605

MAHATHIR 3 SEREMBAN

KEMUDIAN BERUCAP MERASMIKAN KAWASAN PERUSAHAAN SUNGAI GADUT, TUJUH BATU DARI SINI, DATUK SERI DR. MAHATHIR MENEKANKAN PENTINGNYA KERAJAAN MEMPERGIAT SERTA MEMPERLUASKAN SEKTOR PERINDUSTRIAN DALAM USAHA MENINGGIKAN TARAF HIDUP RAKYAT DI MASA AKAN DATANG.

KATANYA, SEKTOR PERINDUSTRIAN DALAM TEMPOH 10 TAHUN HINGGA TAHUN LALU TELAH DAPAT MENGUJUDKAN 300,000 PELUANG PEKERJAAN DI SELURUH NEGARA DAN MENOLONG MENGURANGKAN BILANGAN PENGANGGOR SETIAP TAHUN.

BELIAU YANG JUGA MENTERI PERDAGANGAN DAN PERINDUSTRIAN MENEGASKAN, SEKTOR ITU AKAN TERUS DIPERGIATKAN MEMANDANGKAN SEKTOR PERTANIAN AKAN MENGHADAPI KEKURANGAN TANAH UNTUK DIUSAHAKAN DI TAHUN-TAHUN AKAN DATANG.

WALAUPIH PEMBUKAAN TANAH SECARA MELUAS DAN MENGGUNAKAN SISTEM

MODEN DILAKSANAKAN OLEH FELDA, IA DIDAPATI TIDAK AKAN DAPAT MENAMPUNG BILANGAN RAKYAT YANG BERTAMBAH DARI SETAHUN KE SETAHUN.

+OLEH ITU SEBAGAI JALAN KELUAR, KERAJAAN AKAN MEMPERGIATKAN SEKTOR PERINDUSTRIAN UNTUK MENAMPUNG PERTAMBAHAN PENDUDUK DAN KEKURANGAN DALAM BIDANG PERTANIAN DAN PERLOMBONGAN AGAR KERAJAAN TERUS DAPAT MEMBERIKAN KEMEWAHAN KEPADA RAKYAT+, UJARNYA. —BERSAMBUNG 2003/MD

MAHATHIR 4 SEREMBAN

DATUK SERI DR. MAHATHIR BERKATA DALAM MEMPERGIATKAN SEKTOR INI, KERAJAAN MENGGALAKKAN PERUSAHAAN-PERUSAHAAN YANG MENGGUNAKAN TENAGA PEKERJA YANG RAMAI SEPERTI DALAM PENGELUARAN ELEKTRONIK YANG TELAH PUN MENYEDIAKAN LEBIH 20,000 PELUANG PEKERJAAN DI SELURUH NEGARA.

DI SAMPING MENGGALAKKAN PELABURAN ASING MENANAM MODAL DI NEGARA INI, BELIAU BERHARAP MEREKA YANG TELAH MENIKMATI HASIL PEKERJAAN YANG DISEDIAKAN OLEH SEKTOR PERINDUSTRIAN AKAN MENGELAKKAN DARI MELAKUKAN TINDAK-TANDUK YANG TOLEH MENGHALANG PERTAMBAHAN PELABURAN ASING DI NEGARA INI.

KATANYA, PARA PEKERJA PERLU MENGWUJUDKAN SUASANA YANG AKAN MENARIK LEBIH RAMAI PELABUR ASING KE NEGARA INI SUPAYA RAKYAT YANG MENANTI-NANTIKAN PENURUHAN LEBIH BANYAK KILANG DI NEGARA INI TIDAK AKAN KECEWA.

SEPALIKNYA, PARA PEKERJA PERLU MENUNJUKKAN KETEKUNAN DAN MINAT DALAM KERJA MEREKA UNTUK MENCAPAI HASRAT KERAJAAN MENJADIKAN MALAYSIA SEBUAH NEGARA PERINDUSTRIAN YANG BERJAYA.

PADA MASA INI, TAMBAHNYA, KERAJAAN MENGGALAKKAN PERUSAHAAN BERAT SEPERTI MELEBUR ALUMINIUM DAN PESI YANG KEMUDIAN DIHARAPKAN AKAN MENELURKAN KILANG-KILANG YANG BERASASKAN KEDUA-DUA LOGAM ITU. —BERNAMA 2009/MD